

TIMŌTI TAKADA PLADE

Pɔlu tɛkpɔna Timŏtigu

¹ Makū Pɔlu, Kirisi Yesu z̄irri Luda pɔyenyĩnaa gūn wèndi kū à a lé sè Kirisi Yesu gūn yā musu,

² makū mé ma takada dí kènne, ma né yenyĩde Timŏti. De Luda kū ó Dikiri Kirisi Yesuo gbêke kenne kū sùruuo, à n gba aafiaa.

³ Ma sáabu kè ma dizinɔ Ludane kū madì doi kū nèsepurao, zaakū n yā ògɔ òmagu lakanaa sari ma aduakena gwāani kū fānantɛoo gūn.

⁴ Tó wétɛ kū à bòmma yā òmagu, madì n bege keme, madìgɔ ye ò wé sikóle, de ma pɔnna ke zókò.

⁵ N ludanaanikena kū nèse mèn doo yā òmagu. N dai Loisi kū n da Yunisio Luda náani kè le se, akūsò má dō sānsān kū nten ke le se.

⁶ Abire yāi maten òngu, ò fute ò ze kū gba kū Luda òanneo gɔɔ kū ma ɔ namma,

⁷ zaakū Nini kū àdi ó gba gbāna kū yenyĩo kū z̄idakūnadōnaaon Luda kpāwá, adi ke nini v̄inadenlo.

⁸ Abire yāi òsun wé'i kū kū ó Dikiri yā onnenaaro. Òsun wé'i kū kū ma yāoro, makū kū ò ma da kpésiran Kirisi yāi. Ò wari kū òdi ke a baaru nna kpana yāi ke kūmao kū Luda gbānao.

⁹ Àkū mé à ó sura bà, à ó sísi o gɔ a pó ũ. Adi ke yā kū o kè yāinlo, a z̄ida pɔyenyĩna yāime kū gbêke kū à kèwɛɛo zaade gɔɔ dí naaro.

¹⁰ Gbêke p̄i bò gupuraa ó Surabari Kirisi Yesu p̄i sunaa gūn sà. À ga gbāna kàkatɛ, à wèndi kū

mèvānasarioo bòwεε gupuraa a baaru nna kũ òdi kpá gũn.

¹¹ Luda ma dite a z̀iri ũ, de mà baaruu p̀i kpàkpa ke mà a yā dañεε.

¹² Abire yāin matεn wari dí kei, ama wé'i dì ma kũro, zaakũ má gbε kũ ma a náani kè d̄s, akūs̄s̄ má d̄s s̄ans̄n kũ ani f̄s̄ à yā kũ à n̄amεne ma ɔ̄i d̄ákp̄a ari a suḡr̄o z̄i.

¹³ Nḡs̄ yā kũ n mà ma lén ari a z̄ĩniaa p̀i kũna yāz̄edεd̄annεna ágba ũ kũ ludanaanikεnaao kũ yenyĩ kũ ó v̄i Kirisi Yesu gũnwo.

¹⁴ N̄ yā mana kũ Luda n̄annε n ɔ̄i kũ gb̄ana kũ a Nini kũ à kú ó gũn gb̄anao.

¹⁵ N̄ d̄s kũ Asia bùsuden̄o ma zukũna n̄ p̄ínki. Figel̄u kũ Em̄ogen̄o kú n̄ té.

¹⁶ Dikiri w̄enda d̄s Ɔnesif̄ru beden̄onε! Zaakũ à sù à ma n̄εε kpatεnamεne lé v̄iro, adi wé'i kũ kũ ma dana kp̄ésiran yāoro.

¹⁷ Kũ à sù Romu ḡ̄n̄o, à ma wεte ari à ḡεε à bòma.

¹⁸ Dikiri w̄enda d̄onε yākpatekeḡr̄o z̄i. N̄ kpányĩ z̄k̄s̄ kũ à k̄emεne zaa Efesu yā d̄s s̄ans̄n.

2

Kirisi Yesu z̀ikari mana

¹ M̄ok̄n̄ s̄s̄ ma né, nḡs̄ gb̄ana kũ gb̄εke kũ Luda v̄i kũoo Kirisi Yesu gũnwo.

² Yā kũ n mà ma ò pari w̄ara, n̄ na gb̄ε náaniden̄onε n̄ ɔ̄i, kũ oni f̄s̄ ò dada gb̄ε p̄ānden̄onε.

³ N̄ warikεna f̄s̄ kũoo Kirisi Yesu z̀ikari mana ũ.

⁴ Andunia yā bok̄tεnaa dì do z̀ikari kũ à kú z̀ilannε arero, de a yā ká a dikirigu yāi.

⁵ Bàkpakūsūri sō, tó adi bàa lé a zéaro, ani zìblena fùra lero.

⁶ À kù búbari kù à zī gbāna kè a baka sé káaku.

⁷ Ñ laasun lé yā kù ma òo pìnɔ, zaakū Dikiri ni n gba ãndō a pínki gūn.

⁸ Ñ òn kù Yesu Kirisi bi Dauda burime, akūsō à vù bona gan. Baaru nna kù madì kpán gwe.

⁹ Abire yāin maten wari ke. Ò mòo kàma lán dàkerii bà, ama Luda yā dí sí mò káaro.

¹⁰ Abire yāi madì yā sīnda pínki fō gbē kù Luda n sɛnɔ yāi, de mókōnɔ se Luda n sɛnɔ ba, ò gakuri kù àdi láraro le kunna Kirisi Yesu gūn.

¹¹ Yā díkīna bi yāpurame:

Tó o ga káao, ónigō kú káao.

¹² Tó o mena fō, óni kí ble káao.

Tó o ledi kpài, ani ledi kpáwái se.

¹³ Tó ó náani vīro, à kpé náani vī, zaakū ani we à ledi kpá a zīdairo.

Dikiri zīkeri mana kù lékpakōanaaoro

¹⁴ Ñ yā pìnɔ òo n gbēnɔgu, ñ nañne Ludai òsun lékpakōana ke yānɔ musuro. À àre vīro, àdi gbē kù òten manɔ yakame.

¹⁵ Ñ kokari ke de Luda n sáabu kpá, zīkeri kù àdi yā yāpura wēkōañne súsú ũ, kù wé'i dì a kù a zī yā musuro.

¹⁶ Ñ pā yābɔtena pā kù àdi kō sé kù Luda yāorone. Àdi gbēnɔ ludayādanasari karañneme,

¹⁷ akū yā kù òdi dañne dì dañla lán fōnna bà. Imenɛu kù Filetuo kú n té.

¹⁸ Ò kē yāpuraa, òdi pi ò fùte bona gan kò, òdi gbēkenɔ ludanaanikenaa yakañne.

19 Bee kũ abireo ẽ kũ Luda kpàte zena gbãna, ò yã díkĩna kèa: Dikiri gbẽ kũ ò de a pó ùnɔ dõ. Gbẽ kũ àdi Dikiri sísi mì kē yã vãnia.

20 Ɔn da digõ pónɔ vĩ dasi. Ò a kenɔ kè kũ wuraaoo kũ andurufuuo yãtikisikebɔ ù, akũsõ ò a kenɔ kè kũ lío kũ gblioo yãfitikebɔ ù.

21 Tó gbẽ ɔ bòte yã bèeresari gũn, ani gõ yãtikisikebɔ ù, anigõ anfãni vĩ Dikirine, anigõ kú adona yãmanakena pínki soru gũn.

22 Ñ bàa sí kefenna pónidenanɔne, ñ tó manakena kũ ludanaanikenaoo kũ yenyĩoo kũ kunna kũ k̄so nnao donne are læle kũ gbẽ kũ òdi Dikiri sísi kũ nèsepuraonɔ.

23 Ñ ɔ bote mìsari lékpakõana kũ à dõna ke vĩron. Ñ dõ kũ àdi fiti da.

24 À mana Dikiri zòbleri gõ fiti vĩro. A nèse gõ do kũ gbẽ s̄inda pínkio, yãdanneri mana kũ àdi gbẽ f̄s ù,

25 à gbẽ kũ òdi a yã síronɔ gba laakari busebuse. Òdigõ dõro ke Luda ni f̄s à ñ gba zé ò nèse lite ò yãpura sí,

26 ò bo Ibilisi kũ à ñ kũ à ñ dá a poyenyĩnaa gũn bàn, ñ laakari surĩma.

3

Bisásirinɔ yákena gɔrɔ kpedenɔa

1 Ñgõ dõ kũ gɔrɔ kpedenɔ nigõ pásĩ.

2 Gbẽnɔ z̄ida yã ni doñne are, ɔgɔ ni ñ swè ble. Onigõ de karambaanidenɔ ù, z̄idabirinɔ, gbẽs̄s̄s̄rinɔ, de kũ dao yãdarisarinɔ, guturunɔ, lundayãdarisarinɔ,

³ gběyākerisaridenɔ, sùrusaridenɔ, gběyakarinɔ, fayasaridenɔ, aniapāsīdenɔ, yā mana iberenɔ,

⁴ bonkpɛdenɔ, laasunsaridenɔ, ỳg̃ɔdenɔ. Onig̃ɔ ye pɔnnakɛnaai de Luda yāla.

⁵ Òdi donyī ke, ama ò ye a gbānairo. N̄ ke zà kù gbě bire takanɔ.

⁶ N̄ gbēkenɔ dì gē nɔgbē kù òdi mì gbākenneronɔi, ò n̄ fu kù léo. Durunna sàa dà nɔgbē pìnɔn, dà vāni mé à g̃ɔ́n̄e,

⁷ òdig̃ɔ yā dada gɔrɔ sīnda pínki, ama òdi fu yāpura kūnaa.

⁸ Lákū Yanɛ kù Yamberesio bò Musa kpɛ nà, len gbě pìnɔ dì bo yāpura kpɛ le. N̄ laasun lékpɛɛɛɛ, ó donyīze gūn pó ginyīnanɔmɛ.

⁹ Ò gena arɛ vī dorɔ, zaakū gbě sīnda pínki n̄ ỳnkɔke d̃s, lákū ò Yanɛ kù Yamberesio pó d̃s nà.

Luda yā àree

¹⁰ Mókɔn s̃s, n̄ témai. N̄ ma kunna d̃s kù ma yādannenaao kù yā kù matɛn péaa kù ma ludaanikenaa kù ma menakɛo kù ma yenyīo kù ma zena gbānao

¹¹ kù wé kù ò t̃mao kù wari kù ma k̃èeo. N̄ yā kù à ma le Antiok̃u kù Ik̃oniuo kù Lisitirao d̃s kù wét̃amm̃ana z̃k̃ kù ma f̃ɔo. Ama Dikiri ma bo a sīnda pínki gūn.

¹² Gbē kù ò ye òg̃ɔ kun ludayāmarinɔ ũ Kirisi Yesu gūnnɔ ni wét̃amm̃ana le.

¹³ Gbē vāninɔ kù manafikidenɔ vānikɛna nig̃ɔ karamɛ. Oni gbēnɔ s̃ate, mók̃nɔ se onig̃ɔ s̃atɛna.

¹⁴ Mókɔn s̃s, n̄ zɛ kù yā kù n̄ dàda n̄ sì yāpura ũo. N̄ gbē kù ò dàdannɛnɔ d̃s,

¹⁵ zaakū n̄ Luda yā d̄s zaa n n̄éfítikεḡoɾɔa. Ani f̄s à n gba ɔ̄nd̄s à n ká Kirisi Yesu náanikena k̄ū àdi n̄ sura baa.

¹⁶ Yā k̄ū à kú Luda yān b̄ò Luda k̄īnaa p̄ínkime. À àre v̄ī, zaakū àdi yāpura dañe, àdi n̄ éke káñne n̄ ɔ̄ī, àdi n̄ gba laakarīi, àdi lé dañma yāk̄ena a zéaa ḡūn,

¹⁷ de Luda gb̄e soruk̄ena ma yāmanakena s̄īnda p̄ínki zé ḡūn.

4

¹ Ma nannε Ludai k̄ū Kirisi Yesu k̄ū ani era à su à kpata ble à yākpatε ke k̄ū gb̄e b̄ēnenɔ̄ k̄ū gyāwāndenɔ̄,

² n̄ Luda yā waazi ke. À zé kè kes̄o adi kero, ñḡo kúo. N̄ yā diteñne, n̄ kpākēnyī, n̄ lé dañma, n̄ yā dañne k̄ū mena z̄sk̄ɔ̄o.

³ Zaakū ḡoɾɔke ni su k̄ū gb̄enɔ̄ ni we ò s̄ā kpá Luda yāzεdedannenaairo. Oni yādannerinɔ̄ kakarañyī n̄ z̄īda p̄oyeinaaame, de ò yā k̄ū à kàngu dañne.

⁴ Oni n̄ kòkɔ̄to zu yāpurane ò are d̄o garanɔ̄a.

⁵ Mòk̄ōn s̄ō, ñḡo laakari v̄ī yā s̄īnda p̄ínki musu. N̄ wari f̄s, n̄ baarunnakpari k̄ena ke, n̄ n z̄ī lé papa.

P̄olu kunna ga léi zaa Romu

⁶ Ma ḡoɾɔ p̄àpa k̄ò, oni ma aru kóte sa'o'i ū tera.

⁷ Ma ɔ̄si mana kà, ma bàa lè ma b̄ote. Má Yesu yā k̄ūna ma a lé p̄àpa.

⁸ Kunna mana f̄ura ditena, àteni ma d̄ā s̄ā. Dikiri yākpatεkeri mana mé ani kúmenε yākpatεkeḡoɾɔ z̄ī. Adi ke makūme ma adoro, k̄ū gb̄e k̄ū ò ye a sunaainɔ̄ n̄ p̄ínkime.

⁹ N̄ zé wete n̄ su ma k̄īnaa likalika.

¹⁰ Demasi ma ton à tà Tesalonika, kũ à ye an-duniaia yāi. Kerēsensi tà Galatia būsun, akūsō Titu tà Dalamatia būsun.

¹¹ Luku mé à gō kũmao ado. N̄ Maaku sé à mó lēēē, zaakū àdi kpámai zĩ gũn manamana.

¹² Ma Tikiku gbàre Efesu.

¹³ Tó n̄ten su, n̄ ma utagyaba kũ ma tò Kaapu bea zaa Toroasi sé n̄ suomenē kũ ma takadan̄, atēnsa a kũ ò kè kũ báraon̄.

¹⁴ Alesanda sia yā vāni kèmenē manamana. Dikiri ni yā kũ à kèē pì fīna bonē.

¹⁵ N̄ laakari kei, zaakū à bò ó yā kpe pāsīpāsī.

¹⁶ Yākpatekena kũmao káaku gũn gbēke dí zē kũmaoro, ò ma ton n̄ pínki. Luda sún n̄ yā pì daro.

¹⁷ Dikiri zè kũmao à ma gba gbāna, akū ma zé lè ma waazi kè ma a lé pàpa, buri pānden̄ mà n̄ pínki. À ma bo músu léi.

¹⁸ Dikiri ni ma bo yā vāni gũn pínki, ani ma sura ba ari mà gé káo a kpatan musu. Àkū mé à gakuri vī ḡr̄ sīnda pínki, aami.

Lézammanaa

¹⁹ N̄ f̄ kpá Pirisila kũ Akilaooa kũ Ōnesif̄ru beden̄.

²⁰ Erasatu ḡō K̄rinti. Ma Torofimu tò kũ gyāo Miletu.

²¹ N̄ zé wete n̄ su ari bunsire ḡō ká. Yubulu kũ Pudenio kũ Linuo kũ Kalaudiao kũ ó gbēn̄ pínki f̄o kpàmma.

²² Dikiri ḡō kú kũnwo. À gbēke keáre.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3